



Kürschner Lied

*Text von Rolf Arnold Meister E.E. Zunft zu Kürschnern
Melodie "z' Basel am mym Rhy"*

D'Kürschner-Zunft isch do
Alli sinn hütt froh
Mir sinn z'ämme jung und alt
Hänn e super Zämmehalt
D'Kürschner, d'Kürschner, d'Kürschner sinn hütt froh
D'Kürschner, d'Kürschner, d'Kürschner sinn hütt do

Dr Jäger bringt uns Fäll
Dr Gärber gärbt sy schnäll
Mir dien schöni Sache mache
D'Männer zahle, d'Fraue lache
D'Kürschner, d'Kürschner, d'Kürschner sinn no do
D'Kürschner, d'Kürschner, d'Kürschner sinn hütt froh

E jede Pelz wird alt
Im Winter isch's denn kalt
Gang zum Kürschner due di freue
Är hett gschafft und kauf e neue
D'Kürschner, d'Kürschner, d'Kürschner sinn no do
D'Kürschner, d'Kürschner, d'Kürschner sinn denn froh

Drumm gämmer jetzt nit uff
Mir sinn ganz guet druff
Schaffe, naie, wyter mache
Und au öppe zämme lache
D'Kürschner, d'Kürschner, d'Kürschner sinn no do
D'Kürschner, d'Kürschner, d'Kürschner sinn blybe do

Jetzt nimmt e jede s'Glas
Mir stosse a, uff was?
Dass es wyter so guet goht
D'Kürschner-Zunft no lang beschoht
D'Kürschner, z'Basel, alli sinn hütt froh
D'Kürschner, z'Basel, alli sinn hütt do